

Semanario

CHUCHUBI

Diasabra, April 1, 1967

50 ct.

3000

- INDEPENDIENTE -

3000

Union pa CAMBIO!



PULL
TOGETHER



26 di MEI e fecha cu
pueblo ta spera cu anciedad!



SEMANARIO
- INDEPENDIENTE -
Esun mas lesa na Aruba.

Obtenible na :

ORANJESTAD serca

Ruiz Store
Playa Coffee Shop
Eagle Store
Piet's Soda Fountain
Refresqueria Hortencia
Refresqueria Ingrid
Refresqueria Fatima
Refresqueria La Fama
La Esperanza Supermarket
Uchee's Place
Zepp Wever
Refresqueria Estrella
Refresqueria Italia

SAN NICOLAAS na :

Refresqueria Central Madeirense
La Esperanza Discount House
Chiquito Grocery
Chung Brothers Grocery.

SAVANETA na :

Baby Grocery
Refresqueria Del Mar

CURA CABAI na :

La Mano de Dios

POS CHIKITO na :

La Esperanza Supermarket

SANTA CRUZ na :

Titichi's Grocery
H.S. Croes Store
Eta Croes - Sta. Cruz 350 A.
Aruba Store
Santa Cruz Store

CASA Ariba na :

Tienda Casa Ariba 22

CALABAS na :

Calabas Grocery

PARADERA na :

Paradera Store
Mario's Grocery

PIEDRA PLAT na :

Piedra Plat Store
Baby Store

TANKI LEENDERT na :

Tienda Geerman
Tanki Leendert Grocery

NOORD na :

Palm Beach Store

Lesá y abona

"C H U C H U B I"

E semanario cu circulacion mas grandi na

ARUBA

Hulandesas ta bira Macamba

Despues di Tiempo?

E cos aki a sosode y nos mester mencionele pa pueblo di Aruba sa cu ta nan mes tin falta, ora nan ta worde atrapa door di estranjerios(as).

Un senjora Hulandes cu su esposo y dos jui a jega for di Hulanda na Aruba. E homber lo a bai traha pa gobierno.

Diadomingo algun siman pasa ora e senjora tabata tin su promer Diadomingo na Aruba e tabata sinta cu su juinan ariba beach. Mester splica su bistir promer pa duna un idea di e cos aki mehor. E dama a drenta na e lugar cu un bistir largu y e muchanan tabata tin algun flux bisti, cu a mira mashar hopi zomer. Papa tabata bisti manera e lo a jega for di Hulanda pasobra nan a jega Diaviernes anochi y despues di descansa Diasabra y bai beach Diadomingo, no tabata tin tiempo ainda pa cumprana nada na Aruba di e Voor-schot!!!

Wel e promer diadomingo na Beach e senjora — su esposo y juinan tabata mashar amable ta papia cu tur hende cantu di laman y tabata conta di nan dorpje caminda nan tabata biba y ki contentu nan tabata na Aruba y ki dushi tur hende tabata, cu nan ta combersa cu nan. E pareha aki y su juinan nos por bisa tabata berdadera Hulandes manera ta hanja na Hulanda. Hende simple y cu honrades.

Dos siman despues cu nan tabata na Aruba, nan a jega

na e mesun beach flankia door di algun Macamba, cu ta biba aki basta tiempo y tabata tin e mes hendenan na beach cu kende nan tabata papia y cu a hanja nan mashar amable. Hasta e senjora a bisa pa jamele na su promer number, e diadomingo pasa ey.

Un di e tercionan ariba beach cu a reconecele y hanjele un muher mashar simpatica a bisa "Magriet, mi ta contentu di mira bo otro bes, comta na Aruba awor cu bo tin dos siman?"

E macamba cu tabata flankea e senjora a contesta e joncuman cu "MEVROUW TA GUSTA ARUBA Y MAS NADA E A PAPIA." E SENJORA CU DI HULANDES A BIRA AWOR MACAMBA NO A PAPIA UN PALABRA! Asina por mira con a danja e senjora ey y con den algun siman e Macambanan aki na Aruba a sinja e senjora caba cu ta MEVROUW tur hende mester jamele y por a mira cu e senjora a hanja un bon les tambe, pasobra e bes aki e tabata BASTA BON BISTI Y E MUCHANAN hasta tabata tin cos di hunga cune den awa.

E senjora y su esposo y

juinan a keda leuw for di e hendenan Antilliano ariba beach, e mes hendenan cu poco siman promer e tabata asina contentu di papia cu nan.

E cos aki nos por mira tur caminda ariba Aruba. Un persona local ta drenta un Super Market mashar conoci aki na Aruba y ta drei busca algu, ningun mucha ta bai judele.

Un Macamba ta dal dos buelta ta busca algu ya bo por mira varios mucha muher ta corre puntra: "MEVROUW KIKO BO TA BUSCA". Esaki ta un sinjal di inferioridad. E muchanan tin un compleho. Nunca nan a sali for di nan isla, nan no sabi mehor, pero nan majornan mester cuminsa sinjanan: UN JUI DI TERA TIN MESUN VALOR CU CUALKIER ESTRANJERA Y TIN derecho ariba mesun servicio!!!

Si nos muchanan cu ta trahando sinja esaki anto Aruba lo bai dilanti, pasobra lo ta un lugar di respect caminda uno y tur ta respeta otro.

GLORIA NOBLE PATRIA,
PA BIRA GRANDI NA ARUBA,
KITA KLOMPEN bisti Sapato hilchi haltu!!

UN SUPLICA NA NOS BON GOBIERNO.

Atencion Openbare Werken.

Ora gobierno ta usa un pida tereno particular como un caretera y ta pone hasta borchis ariba e tereno, no ta mas cu husto cu gobierno ta pensa tambe ariba e cien-

tos di personas cu ta haci uso di e tereno pa camna y autonnan pa pasa ey riba.

E facilidad duna na pueblo door di donjo di tereno

Continuacion riba pag. 4

Tiempo di Pascu ta Tiempo di Desgracia.

Re-pasando pa e delaster anjanan nos por a mira cu semper dianan di fiesta ta dianan di accidentes na beach.

Constantemente por tende cu un of otro persona a hoga pasobra e no sa landa. Awor ariba un Isla manera Aruba rondona di laman ta mas cu un crimen ora nos mester bisa cu mashar hopi di nos muchanan no sa landa.

Nos ta cohe un ejemplo na Curacao caminda ta rondona di laman tambe y aki si nos por mira cu e gobierno di e lugar ey a haci landamentu verplicht na schoolnan for di 5de klas.

Por ta cu na Curacao nan ta mas conciente di necesidad di joven cu nan mester sa di landa?

Ora ta gasta asina tantu placa na Aruba pa turistanan bin gosa y algun otro negocios grandi probecha di esaki, lo no ta un deber di un gobierno conciente di sinta pensa cu na e pida lugar cu a keda pa pueblo diverti nan mes, esnan cu siquiera ta bai laman mester sa di landa.

Ta mashar bunita pone lugarnan di life-guard ariba beach, esaki ta locual Chuchubi y The News a pidi pa haci 6 anja pasa.

Awor ban usa e feran ta mehor preveni cu cura y cuminsa na schoolnan cu zwemles pa muchanan. Como ta hanja maestros pa tur sorto di cos lo hanja uno pa sin-

ja e muchanan landa tambe. Ademas tin un senjor Art Lamour aki na Aruba cu mashar hopi mucha por landa awe pasobra e a duna nan les. Lo por haci uso di su conocementu y pagele pa su tiempo pé atende cu zwemles cu e schoolnan.

Nos ta bisa ora baca hoga ta dempel e put; larga nos dempel e put awor pa mas muchanan no bira victima di laman, pasobra un tiempo of otro semper bo ta hanja mu-

cha cantu di laman pa pisca of ta dwaal rond ey banda.

Pone placa ariba begroting pa cuminsa cu zwemles y pueblo lo ta mashar gradicido cu ta pensa ariba nan muchanan tambe enbes di semper mester tende ta bini un of otro projecto grandi cu pueblo no ta hanja nada for di dje.

GLORIA NOBLE PATRIA, zwemles pa muchanan di school, punto No. 1 ariba nos programma.

Suplica na pueblo y partida politicos

Nos redaccion ta suplica tur hende cu ta manda nan remetidos di larga ataques personales afor. Esaki no ta nifica cu no por menciona un nomber, pero nos no kier pa bira personal y hala famia aden.

Famia no ta den politiek, ta un persona ta den politiek

ariba un lista y esaki segur por worde ataka, pasobra ta deber di un hende pa pone pueblo na haltura kende e candidatonan ta, kende kizas lo por jega na representa pueblo.

Por favor, LARGA FAMILIA Y JUINAN for di den politiek.

Aruba Metal Co. N.V.

ORANJESTAD

BARCADERA

WE BUY ALL KIND OF METAL SCRAP SUCH AS
COPPER — BRONS — IRON AND STEEL. WE
ALSO RENT CRANES, FORKLIFTS ETC.

Boerhaavestraat 21

Tel. 1346 — 1868

Remetido

Senjor Redactor di Chuchubi nos kier pidi un lugaden bo corant pa esun nan firma aki bao duna di conoce nan opinion na henter Pueblo di Aruba, y tambe particular na henter Pueblo di Paradera.

Tocante mal hecho di Lider Jossi Tromp haci cu Sr. Henriquez.

E lagamento afor di lista di Sr. Henriquez tin hopi hende rabia den Paradera. Durante eleccion ultimo nan a pone Fanshi ariba lista, pero tur hende sabi cu Fanshi su boka ta na slot. Nunca e ta papia den Gobierno pa Paradera, nunca e ta trece algo pa nos Pueblo. Awor nan a pone Chai ariba lista. Chai ta pior ainda, pasobra Chai ni su trabao e ta haci, ban mira pé traha pa Pueblo. Ta pasobra Sr. Henriquez a hala atras nan a coré poné Chai. Nos conoce Sr. Henriquez bon e ta casa na Paradera y ta biba aya tambe. Ningun di e dos personanan Chai y Fanshi nunca a haci algo propio pa Paradera i nan ta biba i naci na Paradera, en cambio Sr. Henriquez si sabi di aprecia e Pueblo di Paradera i e poco tempo cu e tin ta biba na Paradera el ta haci diferente actividadnan den Paradera.

Nos ta sigur cu Sr. Henriquez a haya chens di representa nos den Gobierno, anto si lo no keda su boka sera, pero e ta papia y pleita pa nos pueblo bai adilanti.

Nos a tende cu sr. Henriquez tin intencion di bandona partido. Nos na su lugar lo a haci esey mesora, pero nos conoce sr. Henriquez cu ta studia su problema bon i despues tuma su decision i nos ta contento i lo aprecia si sr. Henriquez bisa nos ki paso lo e tuma den corant tambe.

Nos tur ta apoya su lucha pa hustifica su trabaonan den P.P.A.

Jossi, esta cu cabeiboto el a drenta P.P.A. ban mira awor sr. Henriquez kende for di despues di cuminamento a traha asina hopi pa P.P.A. y pone hopi hende cu a bria traidor, sinta den stoel di bestuurscollege. Anto estupidonan boso no ta mira e mal hecho cu boso a hasi ainda?

Ki mishi Pinja ariba lista? Ki mishi Kobi ariba lista?

ta? Di unda bini? Di unda sali??


Dolfi cu a traiciona partido for di principio. I lo bolbe traiciona partido si interes personal ta den wega.

Den sr. Henriquez P.P.A. a perde un candidato di respet i di confianza i di hopi aprecio den Pueblo di Aruba. Pesey mes nos ta firma aki bao i lo apoya su decision i nos ta respaldé den e partido cu e dicidi di bai cuné. Nos a tene tambe cu nan a lagé afo pa pone Pinja riba lista. Esaki ta mustra cu Jossi no ta aprecia Arubiano y ta pone Venezolano nationalisa riba lista i ta laga un hoven Arubiano afor pa poné stranjero.

Sr. Chuchubi masha danki.

Un grupo di votador di P.P.A. di Paradera, 20 Firmas.

FATUM



PA TUR SEGUROS.

Si Bo no kier tin guerra cu Lagadishi no planta Boontjie banda di Tranquera.

Tocante e carta abierta dirigi na mi persona door di un cierto F. Croes y un remetido door di F.S. den e ultimo edicion di Chuchubi lo mi haci siguiente observacionnan:

No ta mi custumbra di dedica tempo na cobardenan infeliz manera boso cu no ta pone number completo y adres bou boso articulonan, pero e tactica aki ta ser usa door di majoria di dirigentenan di P.P.A. Toch lo mi haci un excepcion pa satisface boso curiosidad y esun di boso lidernan.

Tocante e carta abierta lo siguiente:

1. Majoria di e Croesnan cu mi conoce ta hende drechi, y abo aunque cu mi no conoce bo, no ta cai bou e categoria aki, talvez bo ta e F. Croes cu no por mira coi hende laga para of un mesocos cuné.
2. Mi no a ofende ningun den mi articulonan, solamente mi a trece hechonan na claridad.
3. Mi no tin nada contra ningun persona honesto, si mi tin algo contra abusadornan di pueblo manera mayoria di dirigentenan di P.P.A.
4. F. Croes ta bisa cu mi a scirbi algo contra juez, si enberdad mi ta scirbi loque y cuando me da la gana.

5. Bo ta bisa cu mi a lubida cu mi tabata bisti safety-shoe, bo ta bisa cu bo no por soporta e cosnan, cu mi ta scirbi. Pa bo informacion, mi tin e safety-shoe ainda na cas y si en caso bo no ta soporta e cosnan aki anto mi adres ta Brazil 162-A bo por pasa reclama ki ora cu bo kier basta bo spiertá Dr. Dennert pa e prepara pa opera bo boca pé saca mi safety-shoe afo y pidi dentista Dolfi Oduber pé prepara un set di djiente falso pa bo.

6. Tocante e contribucion cu a ser hizá for di Fls. 250 pa Fls. 5,00. Pa bo informacion e ta Fls. 2,50 te ainda bo ta mal informa.

7. Tocante doblamento di Rabo pa Yankee, puntra miembronan di directiva di IOWUA y di Lago.

8. Bo ta bisa cu mi a bai

Montecristo 2 biaha, asina leeuw cu mi por corda mi no a bai bo cas ningun biaha, ni ora bo ta traha tampoco si acaso cu bo tin trabou.

9. Bo ta usa algun palabra Hulandes, sin sa nan nificacion, por ejempl "Studentikoze manieren" e nificacion ta segun Dr. K. Heeroma: (Openhartig - ruw, - ongedwongen, - los - geestig). — Mas aleeuw bo ta papia di "een holle hoofd" pa bo informacion e mester ta "een hol hoofd," pasobra hoofd ta "onzijdig" pero si bo no ta compromete esaki puntra e chabalito meneer di schoolriba boso lista Cobi Alders, podiser e por explica bo.

10. Tocante cu si mi cai den garra di P.P.A. lo mi coi awa. Mi no tin miedo ni di P.P.A. cu tur su dirigentenan hunto.

Un suplica na nos...

den e otro caja pa jega na cas un poco mas liher pa no mester dal buelta rond di mundo.

y utiliza pa gobierno merece tambe un sorto di recompensa. E recompensa cu nos ta pidi no ta den forma di placa sino den forma di algun truck di santu pa jena buracu pa evita accidentes den anochi.

E caretera di locual nos ta papia ta e pasada cu tin banda di Hotel Capital pa bai

den e otro caja pa jega na cas un poco mas liher pa no mester dal buelta rond di mundo.

Nos ta spera cu nos deputado di Openbare Werken lo ta asina amable di manda su trucknan basha poco santu ariba e caretera banda di Hotel Capital por locual hopi hende lo ta mashar agradecido.

11. F.S. ta cualifica mi como comunista sin base.
12. Bo no sabi kiko Comunismo kier meen.
13. Mi ta contra tur sistema totalitario y dictatorial y tambe contra e sistema semi-totalitario y semi-dictatorial manera di P.P.A.
14. Ta parece cu bo no sabi kiko e idea di Carnaval ta, of encaso bo ta kere cu tur esnan cu den Carnaval a desfraza na Macaco, pushi y burico, kier lanta un zoologico politico manera esun di P.P.A. Dolfi tabata

bisti na Cowboy den Carnaval. Ta un wild-west e kier crea aki na Aruba?

15. F.S. ta bisa cu tin hende ta cana rond den cuero di carne, enberdad. Tin tambe cu ta camna den cuero di porco.

Esaki ta bastante pa e dos

P.P.A.-nan pasa nan weekend contento y tambe nan lider cu casi sigur a scirbi e articulonan pa nan.

Wijki Maduro

Brazil 162-A.

ta ariba su lugar e ta!

Nos conceptos di maestronan di school ta un persona cu mester ta un ejemplo den e comunidad; un persona cu no por permiti pa su nomber ta trece den ningun clase di snan cu no ta respetable.

Esakinan ta e condiciones cu un maestro di school mester tin pé por ta para dilanti di un klas dunando les na muchanan.

Si onderwijzaken ta tolera bagamunderia asina, anto onderwijzaken tambe mester tin necesidad di un bon limpieza.

Pa maestronan di school cu hanja nan mes mescla den bagamunderianan nos ta pidi un overplaatsing pa un otro departamentu, pero segur no por tolera esaki dilanti di un KLAS DI SCHOOL.

Nos lo sigi ariba e caso aki te ora jega un cambio of nos lo pidi pa trece e asunto aki ariba plataforma politica pa por drecha sorto di cosnan asina.

NA ONDERWIJSZAKEN TA AWOR E ULTIMO PALABRA.

Maestros di school mester tin decencia

Nos ta hala onderwijzaken ariba lo siguiente:

Tin un maestro di school aki na Aruba ta camna rond, kende a permiti cu un senjorita di 18 anja a sali for di su cas y bai biba na su cas huntu cuné y su mama.

Nos ta kere cu no por mantene sorto di maestros asina dilanti di klas y nos ta pidi onderwijzaken pa cai unbes den e asunto aki.

Un onderwijzer mester ta un persona cu ta gosa di aprecia den e comunidad y no por ta mescla den asunto di mucha muher cu ta bandona cas bai biba cu su mama y e den e mes cas.

Esaki no ta un ehemplo pa e muchanan cu ta den e klas ni pa otronan na school ora nan mester tende cu sorto di cos asina ta sosode y onderwijzaken no ta cai aden.

Unda nos decencia a keda

aki na Aruba of podiser no a keda mas pudor ariba e isla aki? Nos ta demanda y exige na bienestar di tur muchanan cu ta na school pa algu sosode unbes pa trece un fin na e situacion desagradabel aki **CU TA UN BERGUENZA** especial ora no ta jui di tera, locual nos por a bisa no ta bunita, pero alas



BRITISH-AMERICAN

INSURANCE COMPANY LIMITED

"World Wide Home Service"

Nos agente den bo comunidad gustosamente kier duna bo tur splicacion tocante aseguros di:

Hospitalisacion — Bida — Accidente
Operacion y Malesa.

ZUIDSTRAAT 8 — TEL.: 2702 — 2703

NOS LECTORNAN TA SCIRBI

Pueblo ta puntra: NOS TIN AUTONOMIA SI OF NO?

Muy apreciable redactor, permiti mi un espacio den bo semanario tan gusta y respecta aki na Aruba.

Pueblo ta puntra: Nos tin autonomia si of no.

Wel si, nos tin, pero ariba papel, no den practica.

Nos instancianan halto nan ta bini for di Europa y di tur parti di mundo, nan ta ser emplea aki na Aruba.

Tur cu bini ta nan idioma nos Arubianonan mester forza papia den gobierno, companianan, contratistanan y ariba calla.

Pakiko e hendenan ey no ta sinja dos tres palabra na papiamento tambe? Locual ta un cos masha necesario, dor di esey e individonan ey por hanja mihor cooperacion cu e pueblo di Aruba.

Ata un prueba cu ta berdad locual nos ta papia.

Den Barcadera News di Maart 1967 a sali publica di un hefe grandi Tom Oversteegen, un macamba.

E mester ocupa un puesto di A.C.I. na Cartagena, Colombia. E macamba aki, promer cu e bai Colombia e mester bai schol na Miami pa sinja papia Spanjo di dia y anochi mas pronto posibel pa e keda cla pa bai ocupa e puesto halto pa e compania na Colombia.

Pasobra na Colombia y na Venezuela mescos, promer cu bo bin traha na e lugarnan ey bo mester sa papia. Spanjo, aunke cu nan tambe por papia Ingles e ley t'asina ki:

Ora cu bo ta bin mi pais ta bo mester por sa dos tres palabra na mi idioma, locual ta un cos masha natural.

Ta na Aruba so tur stranheros ta bin traha aki, y ta nos mester papia nan idioma Hulandes, Ingles y Spanjo etc. etc. hasta Chineses y Portugues.

A jega tempo pa e exigencianan aki mester caba.

Ban muestra cu nos tin autonomia y nos mester haci uso di dje, mescos cu Colombia y Venezuela ta Independencia y lo de mas.

Tempo Tom Oversteegen a bin na A.C.I. na Aruba

ta Hulandes y Ingles e so papia.

Awor el a hanja overplaat-sing pa Colombia. Awor e ta sinja Spanjo purá purá na Miami. Awor nos ta puntra: Pakiko tempo el a bin Aruba e no a sinja dos tres palabra na papiamento tambe? Esaki ta e prueba cu tur stranherosnan tin nos Arubianonan pa chambon y lananan.

Awor ta tempo cu nos gobierno, Autonomia tambe por practica e ley mescos cu otro lugarnan.

Voznan di obrero A.C.I.

TULIP BACON

Agente:

Kusters Trading Co.

KRUISWEG 10

TEL.: 1012

ORANJESTAD

Anuncio den

"Chuchubi - Magazine"

ta garantiza bo negoshi.

Remetido

Sr redactor di Chuchubi, duna mi un lugar den bo corant pa mi bisa lo siguiente.

Siman pasa a sali publica un remetido den bo corant di un tal Jules M., kende ta pone Piña ariba pedestal. Awor mi no sabi si e Jules P. aki en realidad ta existi. Pero un cos ta casi sigur. Y esaki ta cu ta Piña mes a skirbi un remetido pa duna su mes publicidad y un bon nomber den Pueblo. Kiere decir e ta purba traha un bon nomber pa su persona. Loke, cu kiko cu e haci ni maske e bula ariba cai abao e no por logra. Piña hamas por hanja un bon nomber den Pueblo. Takiko Piña a kere, cu Arubianonan ta makako? Piña mester corda cu ta un Venezolano cu a bandera Hurlandes e ta. Pues di principio Piña no tin nada aden. Pasobra un persona cu a laga su propio nacionalidad, no tin principio. Piña a wordu manda for di Corsow pa Aruba, pasobra aya Democraatnan no por soporté mas cu su bagamunderianan. Pa P.P.A. a pone Piña ariba lista, nan por bien a pone Coco tambe. Pero enfin ta lider sin karakter y sin palabra a traha lista hunto cu otra no-Arubanosnan cu ta manda ariba dje. Pues no por spera nada otro tampoco.

Tambe nan a skirbi algo tokante sr. Henriquez. Cu nan a lagé afor, cu e ta un bon trahador di P.P.A. etc. Esey tambe sr. redactor ta un mal hecho di e hendenan di P.P.A.

Nan a laga afor un bon homber, un persona cu door di su amistad y su karakter firmé, henter Pueblo di Paradera ta aprecié. Y henter Paradera lo a keda contentisimo si P.P.A. a pone ariba lista. Y como cu e ta un persona cu desde principio di P.P.A. a lucha asina fuerte pa e Partido aki, un lugar mas halto ariba lista lo ta bata un bon compensacion y merecidamente pa su gran trabao durante anjanan den P.P.A.

Su trabao cu awe a pone hopi diputados sinta den Bestuurscollege, kendenan awor ta bisa bo cu ora hende muri bo bin pidi trabao, of cu ta laga corta bo meter di awa sin pordon, cu ta bisa bo bin mira mi mayan, anto ora bo yega e ta na Colombia of na Puerto Rico ta corre paranda.

Pero lider a haya bon di skop e for di Partido, anto pone poco chabalito sin pia ni cabez.

Of kizas lider ta mirando un peliger den sr. Henriquez pa su propio carrera politica?

Ami sr. redactor ora cu mi a tende cu sr. Henriquez no ta ariba lista mi no sabi kiko hasi mas. Pasobra mesora mi a bisa, pero ta unda ta bai cu P.P.A. awor?

Pasobra no mas cu algun siman pasa sr. Henriquez a juda mi yiu cu un bon trabao. Ta door di su esfuerzo mi yiu por a logra haya un bon trabao. Ni Fanchi, ni

Koko ni ningun otro politico cu tin forza den partido no por a logra nada pa mi. Y sr. Henriquez si a juda mi.

Pero awor cu mi a mira sr. Henriquez no a bini ariba lista, toch lo mi kier haya sabi ta ki paso sr. Henriquez lo bai tuma. Y e paso cu el lo tuma mi lo siguie tambe, pasobra ami si no por laga sr. Henriquez na caya, manera Josi a haci cuné.

Mi ta spera cu sr. Henriquez lo publica den tur corant ki paso el lo tuma y ami y henter mi familia lo respalda sr. Henriquez den su lucha pa hustifica su carrera politica.

Nos tur y mi ta sigur cu hopi hende di Paradera Ayo, Matividiri lo apoyé tambe.

Sr. Redactor masha danki,

Zacharias K.

Matividiri.

NOTA DI REDACCION

Senjor Zacharias, nos por bisa cu **NO TA PINJA A SCIRBI E REMETIDO** y conociendo Pinja nos ta keré cu e lo no haci esaki tambe.

Senjor Pinja a bira politico y mescos cu tur otro politicos e tin kende ta gustele y kende no ta gustele. Resultado di eleccion lo muestra kende ta gusta Pinja.

Abusos den A.C.I.

Querido Lectornan,

Otro abusos cu ta tuman-
do lugar den A.C.I. Barca-
dera.

Na e lugar aqui tin dos
persona tawata actuando co-
mo supervisor pa mas of
menos 11 luna largo como
temporary assignment muy
en especial querido lectornan
durante e importantisimo
turn-around en otro palabra
generl inspection di Amonia-
Urea-complex - nitric acid
plant. Pero asina cu ta ye-
gando tempo pa e personanan
aqui hanja un promotion co-
mo permanent supervisor.
Ata a presenta 2 macamba
ta scamando salarionan bar-
baro. Mientrastanto e pober-
citanan aqui, esta Papi Wil-
lems y Flores mester bisti
cover-all atrobe cu boots na
pia. Mientras macamba ta
camna rond camisa blanco
carson blauw cu e palabra
"ik ben de baas."

Otro abusos cu ta tuma lu-
gar ta na e conocida Urea
plant cu un Arubiano Ange-
la. E homber aqui cu expe-
riencia sublime di e planta
actuando pa lunanan largo
como supervisor no por haya
promotion. Pa motibo B.G.
y macamba mester ta pro-
me. Ora e ta disgusta y ta
pidi retiro ata promesa falso
ta bisa warda poco mas, pero
que va. St. Croix ta su des-
tino.

Nos tin tambe un Griego
un tal Lambrinos e persona
aqui no sabi ni Hulandes, ni

Spanjo, ni Ingles, totalmen-
te nada sino quizas Griego
so. Ta bin cu barco Aruba
ta hanja malesa y ta drenta
hospital, enamorado di un
Senjorita Arubiana, famia di
e palanca di P.P.A. na So-
cotoro-laan, ta bira super-
visor permanente di biaha
den A.C.I.

Voz di Obrero A.C.I.
(A. Maduro)

Florie Area Supervisor
E tipo Macamba aki ta
corre for di Water Plant di
Bonaire, door di mal trabao
cu el a haci na e planta di
awa.

Pa A.C.I. e ta bigshot
awor.

Kelly, e Arubiano aki a
hanja un accident 2 anja
pasá, perdiendo su brasa de-
rechi completo.

Ni esaki no a scapa A.C.I.,
e hoben aki ta forcé cu e
mester bai school pasa test,
sinja scirbi cu e man robez
etc. etc.

Awor si ta na Venezuela
of na Merca e cos aki a so-
sode, ta un bon suma di pla-
ca el lo a hanja pa resto di
su bida.

No manera A.C.I. ta existi
bin mainta y bai atardi cas.

Na otro parti di mundo e
hoben aki lo ta considera,
pasobra ta na A.C.I. el a per-
de su braza.

Firma pa:

Voznan di Obrero A.C.I.
B. Giel

"CHUCHUBI MAGAZINE"

Semanario Independiente

Redaccion:

COLUMBUSSTRAAT 12

Tel. 2147 — 2526

Subscripcion:

3 luna Fl. 5,50

6 luna Fl. 10,50

Edicion los:

Fl. 0,50 pa uno.

Aruba Candle



e promé fabrika ku a produsí BELA na Antijas.

Y

SUPER PINE DESINFECTANT

pa limpieza di bo kas,

Fergusonstraat 68a.

ARUBA

Estranheros Emigrando?

Ta berdad cu estranheronan mester sali for di Aruba si oposicion gana e eleccion pa Gobierno Insular?

E estranheronan cu ta camna cu e idea aki ta esunnan mal informa, of esunnan cu nan consenshi ta remordenan y nan ta sinti nan mes culpable pa e crimennan y abusonon cu nan a comete of yuda comete cu e juiwnan di tera.

E estranheronan aki, nos ta kere cu si nan ta pensa cu nan lo wordu saka for di Aruba, nan cuminza pak y laga cai nan mes, pasobra nan mes ta di mala fé, pasobra nan mes ta sinti nan culpable pa e abusonon cometi na e Arubianonan.

Historia di esunnan cu mester samina nan consenshi y laga cai of conforman cu nan mester traha dignamente y trata concientemente cu e hendenan cu tin tur derecho ariba nan mes lugar.

Cierto firmanan cu tabata pone nan empleadonan Arubiano traha overtime y dianan di fiesta (por ehemplo Labor Day) pagandonan straight hours, y no e 200% of dobbel manera cu ta stipula pa ley social, cu e amenaza cu si nan no gusta y cu si nan kier bai keha cerca Sociale Zaken, nan lo worde despedi "op staande voet" pasobra toch tin hopi mas hende ta camna sin trabao.

Cierto firmanan caminda un macamba emplea ta hanja su mes meti den cuentanan di desfalco y ta wordu scondi pa ley, siendo cu ora

cu e caso a pasa cu un Arubiano, esaki si ta pone den man di autoridadnan mes ora. Ki mishi un macamba condena pa ladron, pero un Arubiano si!!!

Estranheronan cu ta tumando puestonan caminda un Arubiano mester ta, cu for di nan boca mes bo ta hanja tende cu ta aki na Aruba so nan por ocupa tal puesto cu salarionan barbaro (Banco ta respalda) pasobra na nan terro e puestonan aki ta reserva pa esun cu tin e capacidad solamente y cu nan mes ta sigur cu nan no tin e capacidad aki.

A resulta ta hasta cu un di e meneernan aki tabata trahando pa gobierno cu un diploma falsifica.

Si nos sigui menciona e cierto elementonan aki cu tin miedo cu si gobierno cai anto nan tambe mester laga cai anto nos por jena un buki di nan. Nan ta hopi. Awor nos kier duna nan un conseho di no laga cai y di no

kere cu nan lo wordu saka malamente for di Aruba, pero di para mira con Aruba lo mehora y con nan lo wordu converti pa laga malo y haci bon. Cada persona lo merece loque ta toca nan. Nan abusonon lo caba y nan lo sinja aprecia Arubianonan ariba un Aruba limpi sin abuso y sin bagamunderia. Nan lo sinja traha cu Arubianonan, y nan lo sinja tambe cu Arubianonan no ta pertenece na Nederland West Indië mas sino na Nederlandse Antillen.

Estranheronan nos mester di boso pa trata nos bon, nos mester di boso pa yuda nos Aruba bai dilante, nos mester di boso pa tin un Aruba den un ambiente tranquilo y amistoso, Y SI BOSO NO KIER TUR ESAKINAN, ANTO BOSO LAGA CAI PROMER CU BOSO WORDU SAKA MALAMENTE.

Un grupo di Arubianonan di buena fé.

TALK OF THE TOWN



'BLACK & WHITE'
SCOTCH WHISKY

Distributors: E. F. DEBROT, Inc.

Pasion sin Razon

Jean a guli tur su lagrimanan y a puntra su tata span-ta: "Cerca Frank?"

"Si, cerca Frank. I no pensa ni un rato di nenga di bai, pasobra si ta posibel lo mi mara bo cu un cabuya y lo mi hiba bo te aya. Asina ta, cuminsa camna."

Jean a obedece silenciosamente. E palabranan di su tata tabata duru, pero nan tabata berdad.

Rato despues nan a yega na e hotel caminda Frank tabata drumi. Nan a drenta y Jean a bai cerca Frank cu intencion di pidie dispensa, pero Jean a keda para pasobra, Frank tabata miré cu un frieldad y esey a duel e masha hopi.

"Con ta bai, Jean? No tabata necesario pa bo molestia bo mes y bin te aki. Pasobra mi no tin ningun intencion di molestia bo mas."

"Frank ami ami."

"No ta necesario pa bo duna ningun show. Mi ta pidi bo un favor so, bai y laga mi trankil."

Jean a corre bai cerca su mama y a yora desconsola, despues cu nan a sali. E tata a papia cu Frank, pero e no kier a scucha nada mas. Jean a pensa cu el a haci masha malo, y cu podiser awor si el a perde e stima-cion di Frank. Jean a priminti su mes di trata di domina su celosnan y di pensa dos bes promer di haci algo.

IX

Como cu Jean tabata masha tristu y a cuminsa bira

mas delega di sufrimento, su mama y tata a dicidi pa e bai keda cu su mama na un di e hotelnan grandi na e costa, pero den e mes pueblo. Asina ta cu dianan despues Jean y su mama tabata disfruta un poco di e belleza di e naturaleza. Pero Jean su tristeza no tabata kita. E y su mama tabata tin dos siman na e hotel. Jean a tende cu Frank tabata tin un muher, y e cos ey tabata hacie masha tristu.

Un dia Jean tabata sinta su so na e terras, ora cu a yega un pastoor basta bieuw y a para banda di dje y a puntré; "Bon tardi, mi por sinta na e stoel ey."

"Si, claro Pader por sinta. Ningun hende ta bai haci uso di dje awor."

"Danki Srta. Srta. a bini cu mas familia?"

"Si pader mi a bini cu mi mama. Pero mi no ta Srta. mi ta Sra. Leroy."

"Ahan, e apariencianan ta ganja tin vez." e Pader a contesta. "I e casa e ta aki?" Jean a bira un poco corra y a contesté: "Wel e nos ta separa."

"Ah esey kier meen divorcia."

"No, no, simplemente separa. Ainda nos ta casa." I Jean a cuminsa conta e Pader tur cos di dje y Frank. Con el a conocele, nan noviasgo, e pedido di divorcio, enfin tur cos, despues ora Jean a caba el a keda mira e Pader ansiosamente pa scucha su consehonan. "Esey ta tur cos," e Pader a puntra. "Si," Jean a contesta. "Pero esey no ta basta?"

E Pader a keda mira Jean cu su wowonan cla y penetrante y a bisele: "Mi vioe mi tin algun dia cu mi ta ripara bo tristeza, mi ta pidi bo dispensa mi, si mi ta entremete den bo bida priva. Pero di tur loke bo a conta mi, mi a bin cla, cu boso dos ta stima otro hopi, pero bosonan ta masha orgulloso, y e culpa mas grandi, ta di bo, Sra Leroy."

"Pero, Pader, e".

"E ta un homber mescos cu tur otro. Mi no ta dispense, mi ta pone e cosnan na nan lugar. I si bo ta permiti mi lo mi bisa bo, pakiko abo tin mas culpa cu né."

"Si, si, claro". Jean a contesta.

"Danki, apesar cu bo ta un Sra. bo ta parce y actua

UCHEE'S PLACE

Nassastraat, Oranjestad.

- ◆ CAMINDA CUMINDA TA SABROSO
- ◆ CAMINDA FAMIANAN DECENTE TA CONTRA;
- ◆ CAMINDA TIN UN ADMOSFERA DECENTE

— TEL. : 1592 —

manera un mucha sin tino. Ora cu bo a ripara cu bo casa tabata infiel, bo a cuminsa spié, y zundrelé, y esey a hacié mas desconfia y a haciele sigi. Bo deber di esposa catolica tabata di haciele comprende cu bo carinjo y cu tacto, cuanto e tabata ofende bo. Bo mester a demostré cu su actonan tabata haci bo sufri. Esey tabata un cos intimo di bosonan dos, y cu e divorcio bo a haci e asunto crece bira mas grandi." E tambe tin e otro parti di e culpa, pero mi jioe, matrimonio ta algo sagrado, y bosonan mester respeta otro."

"Pero el a falta mi promer"

"Claro, pero si tur e esposanan tuma na cuenta tur e foutnan chikito di nan casa, anto nuebe di cada diez

matrimonio lo kibra. No lubida nunca, cu ta e muher, y no e homber, ta esun cu ta sostiene un matrimonio. Pero ainda no ta laat tur cos por drecha. Esta si abo ta desea esey."

"Com por laga di desea esey, Pader? Lo mi a duna cualkier cos pa bolbe bek cu Frank."

"Bo no mester duna nada, bo mester pone bo mes den accion. Lucha pa bo felicidad y di dje, bo mester separé di e otro muher cu ta cuné. Bo mester pidi' pardon, y bo mester tin Fé, bo mester reza y pidi Dios yudansa y mi ta sigur cu lo bo gana."

"Pader ta kere asina?" Jean a puntra cu speransa den su curason.

"Claro, mi tin sigur cu bo

casa ta stima bo pero e ta actua asina Pero kiko ta pasa bo?" E Pader a puntra. Jean a bira bleek y e tabata mira for di un bon distancia pero toch el a reconoce e auto cu a para na e parkeerplaats, y el a reconoce e pareha cu a baha.

"E pareha ey cu a caba di baha for di e auto.

"E ta mi casa, y mi tin sigur cu el a bini, cuné, pasobra cu e sa cu mi ta aki. E sinberguensa ey." E Pader a pone su man na su schouder y a bisele: "Calma pa favor. Bo mester domina bo nervionan, corda loke bo a priminti mi. El a bin aki cu e otro pa fastidia bo y pa mira bo reaccion, esey kier meen cu e ta stima bo, awor abo mester duné e contesta.

La Esperanza Supermarket

Cu su prijsnan semper barata, a juda mantene costo di bida na Aruba abao.

Mira pa bo tambe ta un cliente, feliz y satisfecho.

Y participa, ademas di hanja prijsnan barata, den E Concurso Bombacional cu La Esperanza Supermarkets ta ofrece na pueblo di Aruba.

**SI NO TABATA PA LA ESPERANZA
PRIJSNAN DI COMESTIBLES NUNCA
LO A BAHÁ NA ARUBA**

-: PA NOS MUCHANAN :-

TANTE AIDA TA CONTA:

Kleuren-
wedstrijd



E Patonan Sabi

Ariba un bon dia mijnheer Vos ta keiru y ta encontra un grupo di pato bunita y gordo. Ha, ha, e ta bisa hariendo: Mi ta llega akinan como si fuera ta llama nan a llama mi. Bosonan ta sinta akinan asina dushi cerca otro, asina cu mi por come bosonan uno tras di otro. E pober patonan a grita di span-to, mientras nan ta bula lamta tras di otro y ta roga pa nan bida.

Pero e vos no tabata kier a tende nada y e ta bisa: "No jora, ni nada, muri bosonan mester muri. Porfin un di e patonan a hanja brillo y ta bisa: "Si nos pober criaturanan mester perde nos bida asina joven, permiti nos siquiera pidi pordon di nos picarnan. Despues nos lo para den un fila nos tur, asina cu bo por scohe esun di mas gordo.

"Bueno," e vos ta bisa. "Esey mi ta permiti bosonan. Reza pa pordon di tur boso

picanan; lo mi spera te ora bosonan caba.

E promer pato a cuminza un oracion hopi largu. E tabata grita sin fin: "Gak!! Gak!, asina cu e di dos pato tambe no a spera te ora e tabata na beurt, e tambe a cuminza grita "Gak!, Gak!"

Di tres tambe a sigui, y tambe e di cuater y no hopi rato tur tabata na gritamento, un den otro. Y te na momento cu tante Aida ta termina su historia ainda nan tabata grita! sin pensa ningun momento di stop.

FIN

Carta na nos amiguito i amiguitanan.

Querido amiguita y amiguitonan, tante Aida ta ricibiendo cantidad di cartanan di bosonan. Tur pinta masha bunita. Manera tante Aida a anuncia caba, tante Aida ta bai scohe cuater di bosonan fiel participantenan, pa as-

sisti akinan como jury, pa asina scohe e mihor pintor o pintora. E fecha ariba cual esaki ta tuma lugar lo ta dia 12 di April di 1967. Asina ta, sigui manda boso cartanan y hopi exito!!

Tante Aida

Nos Jury pa dia 12 di april

Tante Aida a dicidi di scohe di awor caba e jury cual lo bai asisti Tante Aida pa dia 12 di April. E siguiente amiguita y amiguitonan ta keda cordialmente evita pa pasa akinan na oficina di "Chuchubi" den Columbusstraat. Si en caso nan no por presenta ariba e dia ey anto manda Tante Aida un carta.

Nan ta:

LIGIA LUDWINA WOUTERS
di R.K. 44-B.

ERWIN HAROLD MARTIJN
di R.K. 37 - Savaneta.

MARCIA SOLOGNIER
di Piedra Plat 116.

HENRY BRITTEN di
Tanki Leendert 83.

Tante Aida ta spera bosonan pa mas o menos 4'or y Mei. Y no lubida na oficina di "Chuchubi" den Columbusstraat.

Caballero, bo ta pensa di bai cu Vacantie?

Antó bishita

LA VENEZOLANA

TIENDA MIREP, caminda bo ta

haja tur bo articudlonan di calidad

y na prijs razonable.

Tambe **LA VENEZOLANA,**
TIENDA MIREP, tini un surtido grandi
y bunita di maletas pa damas y caballeros
na prijs masha barata.

E masa chiquito mester paga pa e grandi biba?

Na Aruba ta existi un bond di ambtenaren (N.A. A.B.) di cual mayoria di e ambtenaarnan **grandi** ta miembro, y algun chiquito ta bira miembro (obligatorio) (tin biaha nan ta cuminza kita placa di contributie pa bond directamente for di salarionan).

Tin otro bondnan manera esun di cuerpo policiaco y esunnan di onderwijzers (esakinan tin dos, uno no ta basta).

Ta cierto cu e bondnan ariba menciona, no ta conoci cu e otro bondan di obrero tambe tin e privilegionan aki, tin ariba nan tarheta di miembro nombenan di cierto pacus y tiendanan den cualnan e miembronan di bond ta haya cierto porcentaje di rebaha ariba mercancías. Cu nan tin derecho di hayele nos no ta comenta ariba, si nan ta hanjele pa pago di un of otro favor si anto ta hopi tristo. Un bondlid cu ta ambtenaar a haci solamente su trabao y e ta wordu paga pa pueblo pa esaki. Si e ta abusa di e puesto pa saca probecho for di otro anto di un of otro manera mester caba cu e omkoperij aki.

Di e tiendanan cu ta privilegia e bondlidnan cu nan rebaha especial nos tin e siguiente comentario: Si un persona kier duna for di su placa of mercancia algo anto ta foi cuenta di otro, pasobra e ta haci loque cu e ta desea cu loque ta pertenecele. Pero nos kier avisa esunnan cu no ta miembro di bond y cu tambe kier haya nan mercancia cu rebaha di 5% —

20% di averigua ta cual ta e pacus y e tiendanan cu ta dunando e regalonan aki y acudi cerca nan. Si encaso bo no wordu beneficia cu e percentahenan anto busca un otro tienda of pacus cu no ta ariba e lista y duna nan e chens di venta. Laga esun cu ta duna rebaha na bondlidnan bende cu bondlidnan so.

Nos ta kere cu un comerciante cu por duna rebaha di 5% — 20%, por wel di haci un rebaha general pa tur pueblo, pasobra e senjal di rebaha ta senjal di ganashi tremendo!!!!

Si un comerciante ta ganando bastante placa pa por duna rebaha na cierto grupo, nos opinion ta cu ta mas bale la pena pa duna un "RAISE" na su empleadonan cu quizas tin mas derecho ariba e percentahenan aki pasobra ta nan ta traha pa e negoshi por gana tanto, y mayoria di nan ta gana un catchi-catchi (minimum loon cu ta un tiki mas cu e pension di behez).

Please biba y laga otro tambe biba y corda de vez en cuando tambe ariba e chiquitonan!!!!



CURSUS SUCCES

Atrobe 62 Kandidatonan di **CURSUS SUCCES** a slaag pa nan Diploma di Type.

ABO TAMBE POR.

E siguiente Cursonan ta cuminza den luna di April.

STENO: Hulandes — Ingles — Spanjo.

CONBERSACION: Hulandes — Ingles — Spanjo pa principiantenan y pa avansadonan.

BOEKHOUDEN: I en II y Praktijkdiploma Boekhouden.

Inscribi awe mes na

Cursus Succes

PLAYA Tel. 1534

SANTA CRUZ Tel. 8060

SAN NICOLAAS Tel. 5791.

NOS LECTORNAN TA SCIRBI

Ta Macamba ta Manda???

27 — 3 — 1967

Apreciable Senjor Schouten

Senjor Schouten mi kier a pidi Senjor Schouten si senjor por ta asina bon di pone es letra aki un 2 of 3 biaha den Chuchubi. E ta bai over di Balashi i ta lo siguiente:

Tabata tin un Shift deverance di 30 ct. pa hende di warda, ma e placa su resultado ta un macamba cu jama Van Deventer, Ingenieur di Balashi. Ta e ta duna esun cu e kier placa, e la bisa cu hende di warda no tin mester di Shift Deverance.

Shift Deverance kier meen si bo ta gana f. 3,50 pa ora mes bo tin derecho riba e 30 ct. deverance. Esey ta placa pa hende cu ta traha warda e ta.

E deputado Oduber dentista a laga tur cos na man di e macamba van Deventer.

Asina ta cu otro biaha pa Gobierno di Eilandsraad nan mester pone un hende cu tin por lo menos diploma di A.T.S. y cu sa kisiera algu di machines. Oduber no sa nada at all mes.

Toer trahadornan di warda na Balashi ta traha desgustá, pasobra ta macamba so ta hanja aumento di cien, cien florin y Arubianonan mes no ta hanja nada.

Ta mehor cu e dentista ei tuma su retiro promer cu pueblo mes bahé.

Ningun hende di warda no a logra di hanja aumento ainda. Luga di nan sueldo bai ariba nan sueldo ta baha.

Esta bon e macamba van Deventer ta controlá Balashi, pasobra nos no tin ningun hende pa controla nos hende di warda.

Ta macamba ta manda.

Un trahador di warda

den Raad y pueblo lo sa di aprecia. Si no tin accion no tin nada di aprecia. Tocante cu Voorzitter no ta scucha un miembro di Raad cu ta papia esaki ta falta di e miembro di Raad mes PASOBRA si mi ta papia y especial den Raad y voorzitter no ta scucha ANTO lo mi stop di papia, pasobra dos hende no por papia huntu y lo continua ora Voorzitter ta pone atencion na mi palabranan. Esaki ta falta di ESUN CU TA PAPIA y no ta stop ora un otro hende ta cuminsa papia.

Nos ta mantene cu mester tin casi tur siman un reunion di Raad pa pidi tur cos BON pa pueblo y larga nan ninga. PUEBLO LO HUSGA.

Kende ta Sr. I.J. Sloos?

Nos lo hanja den Antillas un cierto mijnheer Sloos pa duna advies den cambio di lesnan por escrito.

REGERING OF ONDERWIJSZAKEN POR BISA NOS ALGU MAS DI E MIJNHEER I.J. SLOOS CU GOBIERNO di Hulanda ta bai manda Antillas pa haci e trabau aki?

E informacionesnan cu nos tin nos lo kier compara nan cu esnan di gobierno kende pa un hende jega di Hulanda pa Antillas mester di mashar informacion.

NOS LECTORNAN TA SCIRBI

Chuchubi mester sa mehor

Den Chuchubi fecha 25 di Maart a sali un articulo cu e cabes "MESTER DI MAS MOVIMIENTO DEN EILANDSRAAD. Chuchubi mester sa cu den Raad NO TA SCUCHA VOZ DI OPOSICION no importa con bon e cos ta. Ademas Chuchubi sa cu tin bes un miembro di oposicion den Raad ta papia y Voorzitter ta combensa cu un deputado.

Chuchubi mester a sa mehor cu scirbi un articulo asina. Oposicion a fada y ta cambio mester bini.

Un fiel lesador di Chuchubi.

NOTA DI REDACCION —

Fiel lesador di Chuchubi. Nos ta mantene cu mester tin mas accion den Eilandsraad maske oposicion no kier scucha. Pueblo ta tende y scucha locual a haci pa nan

Proto & Skil Tools

A KEDA COMPROBA DI TA E MEHOR HERMENT PA GARASHI.

APESAR DI SU ALTA CALIDAD, NAN PRIJS TA MASHAR BARATA.

Bishita:

A I. G. na Balashi.

Informaciones Sexuales

E siman aki nos mester scirbi tocante un joven di no mas cu 25 anjas y ta hanjando su mes den un sufrimentu enorme, pasobra e ta impotente.

E joven aki a pidi nos pa avisa su amigonan y tur otro jovennan cu esaki a pasele tiempo e tabata jong y a contrai un malesa (Civilis) y no a tuma ningun precaucion contra esaki pasobra tabata na moda e tiempo ey pa jovennan busca un cos asina pa nan jama nan mes homber. E ta avisa su amigonan

cu por a cai den e mesun trampa cu el a cai pa acudi na dokter y zorg pa nan mes pasobra nan lo hanjanan den edad mas joven impotente y esaki lo ta un sufrimentu enorme.

E joven aki cu ta enamorado di un senjorita mester a kibra e enamoramentu ey sin bisa e senjorita kende e ta stima y lo stima semper e motivo.

Jovennan scucha nos y zorg pa boso mes. Evita sufrimentu despues.

nan ta haci sacrificio di misa.

After all, un homber tin mester di un muher, esaki ta normal, y Papa a comprende esaki tambe, pesei mes poco poco e saya ta desaparece, pardon e sotano.

—:— —:— —:—

NOS LECTORNAN TA SCIRBI

Senjor Redactor,

Permiti mi un espacio chikito den bo semanario tan aprecia aki na Aruba pa mi comenta lo siguiente:

Den bo semanario fecha 25 di Maart, mi por a lesa lo siguiente:

Caminda un tal F.S. ta scirbi cu Fidel (seguramente e kier meen Fidel Castro) ta comunista.

Pero senjor F.S. Fidel no ta un comunista, e ta un politico. Si bo ta llama Fidel un comunista, anto con bo ta llama esnan cu ta goberna nos dushi isla.

Senjor F.S. un hende ta liber pa e simpatisa cualkier gobierno. Abo ta simpatisa PPA. Nos ta simpatisa cu Fidel.

Senjor Redactor masha, danki.

J. W.

Atrobe e mesun suplica pa Gobierno

E siman aki nos a hanja mas suplicas pa dirigi na gobierno di e hendenan cu bende bebida den restaurants y barnan pa gobierno haci algu cu e negocianan cu tin vergunning pa bende bebida den botter sera y ta bende detajada.

NOS TA BOLBE HALA ATENCION DI GOBIER-

NO ARIBA E HECHO AKI, mester respeta e vergunning cu gobierno duna y no haci nada contrario na esaki. OF POR TA CU RESPECT A CUMINSA TA CABA AKI NA ARUBA?

Nos no sabi esaki, gobierno mester husga esaki nan mes y ejecuta Ley!!

Religion ta birando moderno

Senjor Ernest Beck di 39 anja di Detroit, un homber casa cu dos joi, cu tabata un ministro protestante, Dominee, a bira catolico y tabata sinti un remordimiento cu e no por a sigi cu su vocacion di sacerdote.

El a dirigi un carta na su Santidad Papa splicando lo cual e tabata sinti y su deseo pa sigi como sacerdote.

Papa di Roma a dunele un dispensa y awor e ta huntu cu su senjora y su juinan y ta pastoor y ta haci sacrificio di misa.

Modernismo ta acercando y nos lo no duda cu pronto nos lo mira mas pastoor casa cu nan senjora y jui-

FORD

GALAXIE
FALCON
MUSTANG
FAIRLANE

NEME IMPORT & EXPORT

Ta kiko ta pasando na Curacao?

Nos a lesa cu na Curacao tabata tin mashar hopi comocion y algu cu tabata parece manera lo a bira un lantamentu.

Redactor di Vito parece a dicidi cu mester haci un demostracion y pa e motivo aki tur polis y recherche na Curacao tabata riba pia di scina pa scina pa evita tal demostracion.

Parce despues cu tabata tin miles di hende na stad pa mira y kizas participa den e demostracion polisnan a hiba e redactor di Vito na warda y tene ey algun oras pa verhoor é.

Despues e por a bai su cas. Partida URA a saca un pamfleta pa destancia su mes for di demostracion.

Amigo parece a scirbi tocante algun opinioniones cu mester a habri hoos di awa ariba e hendenan; otro tabata di opinion cu mester a usa klop.

Nos no ta comprende e opinionnan ey di hende na Curacao. Si no ta haci desorden pakiko mester muha e hendenan of bati nan cu klop.

No por compronde cu si muha hende of bati nan cu klop nan lo lanta y defende nan mes y esaki lo por trece un free for all?

Ora ta duna sorto di opinioniones mester duna un spliacion di redaccion tambe cu nan no ta di acuerdo cu esaki.

Polisnan no tei pa muha, ni bati ningun hende cu klop. POLISNAN TEI PA MANTENE ORDEN y den caso di desorden cai aden y bau di tur circunstancias trata na mantene orden.

Nos ta spera cu Amigo lo lubida e sorto di suggestio-nesnan ey, pasobra no ta den colonia di Hulanda e pueblo ta mas, sino den un partnership cu igual derecho y igual dignidad.

Nos Lectornan ta Scirbi

Sr. redactor permiti mi un espacio den bo semanario tan gusta y lesa den henter pueblo di Aruba, y di antemano mashar danki.

Mi tabata un fiel votador semper di U.N.A. pero ta lastima cu mi mester a bando- na e partido ay, pasobra semper U.N.A. tabata mantene su mes ariba su punta di pia.

Pero e biaha aki U.N.A. a baha su cabez pa P.I.A. y P.R.O.

Y loke mi ta hanja cu ta un sla pa cada votador di U.N.A. Pakiko U.N.A. no a keda semper na cabez?

No, mester baha cabez pa dos partida cu ta combina cuné. Esta P.I.A. cu P.R.O. ta pesey nos ta 5 votador den cas cu semper tabata U.N.A. pero nos a hanja nos obliga di aleha awor for di e partida ey, y nos a drenta e fila di A.V.P. E partida netamente Arubiano cu su lista netamente Arubiano.

Cu Shon A na cabez, y

semper el a mantene su prestigio y kier pa Aruba worde goberna pa Arubianonan. Ya ami ta birando di edad, y mi no kier pa mayan mi jioenan of nietonan keda sufri bao di un partida estranhero, unda cu mayan mi no kier pa un estranhero bin manda ariba mi jioe of nietonan, y bisé sera bo boca of ariba su propio lugar. Pasobra nos cu ta Arubiano no por bai un otro pais y bisa e hendenan aya banda sera nan boca. Wel, ta pesey mi deseo ta pa weita nos isla Aruba worde goberná pa Arubianos, asina ta U.N.A. por wel dobla warda, pasobra e hendenan fiel votador di U.N.A., nan cara no ta hinca den sacu. E mas pret ta, cu ora nan ta anuncia reunion na radio nan ta bisa, Reunion di U.N.A. — P.I.A. — P.R.O. Pero tur hende por larga di sabi cu no ta asina, ta P.I.A. — P.R.O. — U.N.A. Un ta berdad U.N.A.?

Un ex-votador di U.N.A.

Les a tur siman Bo Amigo

"Chuchubi Magazine"

Bo Horoscopo di Siman

ARIES

Maart 21 — 19 April

Conseho di otro tin hopi valor pa bo e siman bo dilanti. Cuminsa prepara planan pa bo futuro. E siman aki ta bon pa bo tene bo calmo. Bo salud por molestia bo e siman aki. Locual bo ta busca hopi tempo serca un ser keri lo bo logra. Cuidao cu amistadnan nobo.

TAURO

April 20 — Mei 20

No lubida bo responsabilidnan esaki por resulta sumamente desagradable. Bo por sera wowo pa algo cu ta pa bo mes bon y despues tin lueke di loke bo haci. Tene cuenta cu bo salud. Oportunidadnan lo no ta mes bon cu nan ta muestra of manera amigonan ta bisa.

GEMINI

Mei 21 — Juni 20

Colleganan di trabao lo por ta di hopi yudanza pa bo den cierto dificultadnan cu lo bo encontra cu bo patron. Un persona intimo, kende pa hopi tempo bo no a tende di dje of mira lo busca contacto cu bo, sea personalmente of pa carta.

CANCER

21 Juni — 22 Juli

Bo futuro ta exhiendo poco mas atencion y planeamento serio. No mira locual tin bo tras, dedica bo mes na loke ta bo dilanti cu tur seriedad. Diverti bo mes y otronan. Contesta e cartanan cu tin pendiente, especialmente esnan for di exterior.

LEO 23 Juli — 22 Agosto

Bo signo ta masha favorable den e dianan aki, lo bo por logra masha hopi cu bo ta desea. Tene cuidao di otro banda di wega di placa. Planan serio lo worde realisa loor di haci uso di bo capacidadnan excelente cu bo tin. No lubida... corda duna otro locual e merece.

VIRGO

23 Agosto — 22 September

Dedica atencion special na asunto nan cu ta trata bo prestigio y carera of asunto nan di amor. Por resulta dificultadnan den biahanan cu bo kier haci. Tene cuidao pa accidentenan. Duna bo kerido of kerida e atencion maximo.

LIBRA

23 September — 22 October

No laga bo actitud haci bo planja conflicto cu otro den e siman aki. Pon bon cuidao kiko bo ta haci otro hende pa nan no haci mescos cu bo. Apesar cu ta dificil den e dianan aki, sea mas comprensibel y yuda otro caminda bo por.

SCORPION

23 October — 21 November

Esaki ta un tempo excitante. Oportunidadnan pa recreacion, entretenamento y romance ta grandi. Bo por considera tambe di purba bo suerte cu wega di placa. Dedica hopi tempo na sosiego y recreacion. Cuidao cu infeccion.

SAGITARIO

22 November — 21 December

Apesar di intrankilidad financiero, dedica mas tempo na cosnan alegre di bida. E dificultadnan cu bo tin lo resolve cu tempo sin preocupacion di bo parti. Awor manera semper den bo signo lo tin hopi variacion atrobe.

CAPRICORNIO

22 December — 19 Januari

Lo bo tende di amigonan for di tera. Lo bo tin di gasta mas placa cu bo a spera. Ta consehable pa bo planja pa futuro.

Lo tin oportunidad pa gana placa e siman aki. Sea alerta pa bo amigonan, nan por duna bo dificultad inespera. Sera amistad nobo pa futuro.

ACUARIO

20 Januari — 18 Februari

Apesar di pleitonan cu por resulta cu bo partner di bida of bo enamorado e siman aki por ta un di e temponan hopi feliz di boso bida. Duna otro mas atencion y trata di sali busca diverticion den oranan di anochi. Si bo ta cansa di cambia trabao esaki ta un siman excelente pa tuma un desicion.


PISCIS

19 Februari — 20 Maart

Apesar di discusionnan serio den cas cu por resulta pa motibo di relacionnan cu un persona intimo, sea calmo y no ofende ningun hende di bo cas pa esaki no duel bo despues. Controla bo nervionan cu por ta hopi halto den e dianan aki. Trabao lo tene bo basta ocupa.

ORANJESTAD **P**RINTING

Pa bo pamfletanan, Cliché, foto y tur otro trabao
di emprenta, nos ta haci pa bo rapidamente
y na prijsnan cu bo por paga.



pa trabao di calidad na

ORANJESTAD **P**RINTING

BO MESTER TA.

KRUISWEG 15 - TEL. 2526 - O'STAD.

Handwritten notes in the bottom left corner, including the number '2600' and other illegible scribbles.